

THE PATTERN : SCRIPTURAL WORSHIP –

The Items of True Worship, Distinguish Between Scriptural and Non-Scriptural Worship

- Pauminlun

“Pathian zaw kha ahi a, abemite’n kha leh thutak a abiak ngeingei ding uh ahi” - Johan 4:24.

Hiai atung a Bible chaang kipia ah, Pathian biak dingdan kichiantak in ana kigen hi. Pathian deihdan a biakna laisiangthou ah chi (types) 5 in khen theih hi.

1. Toupa Dohkan : Toupa Dohkan tuh Theihgigena/Toupa Nitak an chih bang in leng gentheih hi. I Kor 11:23-29na kikal ah Toupa Dohkan um ding, bawl dingdan kichiantak in ana gen hi. Hiai Toupa Dohkan tuh Jesu mikhialte a ding a hong si ahihdan theihgigena a kibawl zel ahi. Ahun ding thu ah Sawltak masate’n Nipikal a ni masapen in ana hihsek uhi (Nas 7:20). Hun teng a hihtheih ahikei a Nungzui masate hih etton a nei in nipikal a ni masapen (Toupa Ni) teng a hih ding ahi.

2. Thilpiak : Bible a biakna dik ah item kimu thei khat nawn ahihleh Thilpiak ahi hi. Thilpiak i piak ding dan leng I Kor 16:1-2 ah kichiantak in ana kigelh hi. Michih in iit pipi a pelou, a piaklough theihlough bang a leng ngaihtuah louh a, vualzawlina i muh bang a lungtang a kiphaltak a piak ding ahi. Apiak ding hun thu ah, Bible a etton ding om bang in Nipikal a ni masapen ni a piakkhawm ding ahi. Thukhunthak hun ah sawm a khat peuh piak ding in thupiak in I omkei uh.

3. Thumna : Biakna dik a tel item poimoh nawn mahmah tuh Thumna ahi. Khristiante tuh thum ding a hasot ihi uhi. I Thess 5:17 ah “Tawplou in thum un” chi’n Paul in ana gelh hi, Matthai 6 ah Jesu Kris in anungzuite thumdan ding ana hilh hi. Johan 16:23 ah Jesu Kris in “Ka min a Pa kiang a na nget peuhmah uh kon hihsak ding” ana chi hi. Hiaite apan in Thumna i neih chiang in Pa Pathian kiang a Jesu min a nget ding chih akilang hi.

4. Lasakna : Biakna a poimoh mahmah khat nawn tuh Lasakna ahi. Mi tengteng pangkhawm a kituaktak a Pathian i phat khawm theihna uh lasakna ahi. Lasak ding dan Ephesa 5:19 ah “Lungsim a ging kilawm bawl in” chi in ana gen a, huai toh kizawitawn mah in Kolosate 3:16, “Khalam late, phatna late SA in” ana chi hi. Hiai Bible chaang nihte apan in Lungsim a ging kilawm bawl a late sa ding i hihdan amuh theih hi. Ging kilawm i bawna ding i lungsim ahi a, I aw a sak ding ahi. Biakna dik ah tuh thildang tellou in Lungsim a ging kilawm bawl in “aw” in la kisa hi.

5. Thugenna/Thukihilhna : Biaknate lak a poimohmahmah nawn khat ahihleh thugenna/thukihilhna ahi. Nasepte 2:42 ah “Sawltakte thusinsakte ah phatuam ngaitak in a om uh” chi in ana gen hi. Huan Timothy kiang ah Paul in Laisiangthou zat ding dan ana gen hi, “Thuhilhna ding, bawlhohihna ding, taaihilhna ding in aphatuam” chi in ana gen hi. Thugenna ahihleh ahun ding chih a om tuankei. Thu tuh gen in ahun ah bang, a hunlou ah bang chi in Paul in ana gen nawn hi.

Hiai atung a 5 teng tuh Laisiangthou a Biakna a kimute ahi uh. Hiaite lak ah Toupa Dohkan leh Thilpiak pen Toupa ni a hih ding in limlah in I om ua, adang thum teng – Lasakna, Thumna leh thuhilhna bel ahun sehtuam om tuanlou in atam theilam neih ding ahi.

Johan 4:24 ah, “Pathian zaw kha ahi a, abemite’n kha leh thutak a abiak ngeingei ding uh ahi” achi mah bang in biakna peuhmah Pathian in pomlou ahihdan akichian hi. Atunglam a item nga (5) i gelhte dan a Pathian I biak chiang in Laisiangthou dan hi a, himahleh huaite dan banglou a i biak chiang in Laisiangthou dan hi khallou hi.

Laisiangthou toh kituaklou biakna theihkhen theihna bangzah hiam i taaklang ding

i. Lasakna – Pathian phatna, khalam late sa ding a thupiak i hi uh. Huchihlai in, sak kia deihkhop lou a vanzat tuamtuum tunging peuh toh i sak chiang in Laisiangthou toh kituaklou hi

ii. Thumna – Thumna tuh Pa Pathian kiang a Toupa Jesu min a neih ding ahi. Hiai danlou a neih ahih chiang in dik theilou hi.

iii. Thuhilhna- Pathian thute banglou a, mihing hoihsakdan leh ngaihdan peuh i gen chiang in Laisiangthou toh kituak khalou hi.

iv. Thilpiak – Thukhunthak ah thilpiak lungsim a kiphah bang a piak ding achi lai a, sawm a khat peuh piak ngai achihi chiang un Laisiangthou kalh kha hi.

v. Toupa Dohkan – Toupa Dohkan nungzui masate’n Toupa ni teng in ana hihzel uh chih i mu. Eiten leng huai bang a hihlou a, i lemtandan peuh a ut hunhun a i hihleh Laisiangthou deihdan toh kituaklou hi.

Huan, hiai biakna a chi nga (5) teng ahi ding bangtak a hihzoh nung aleng I biakna in Laisiangthou kalh theilai hi. Huai tuh bang dang hilou “Kha” tellou biakna ahi. Pathian biak ding dan tuh “Kha leh Thutak” ahi. Himahleh kha tellou a thutak kia in leng gen nei tuanlou hi. Huaiziak in, Pathian pomtak Laisiangthou toh kituak biakna ah i lungsim in poimohna lianpi nei hi. Ban ah, kha in dim zen lengleng thutak a telkei leh phatuam tuanlou hi. Thutak tuh Laisiangthou deih bangbang a lasak a, thu gen a, thilpiak piak a, Toupa Dohkan um a, Thumna neih ding ahi.

Marka 7:16,17 – “Hiai mite’n akam un hon zah ua, alungsim un hon gamlat uh, Hon biakna uh mihing thukihilhnaate ahizhiak in athawn ahi.” Hiai Bible chang bang a kam kia a zah a lungsim a i gamlat leh I biakna dan mihing thu kisinsakna dan ahikhak leh biakna thawn hi ding a, huchilou a kha leh thutak a Pathian I biak chiang in Laisiangthou toh kituak Pathian pomtak hi ding hi.

PLACE OF WORSHIP

Secred Heart Cathedral,
Yusuf Sadan, Ashoka Road,
Delhi - 110001

Phone No. 9953968807
website : www.cocdelhi.org

'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'

Enkaitu : Jamson Guite

BIBLE CLASS**Class**

Adult : James, Siamkhanmuan
Inter. : Biakmang & Jamson
Junior : Minlun & Suanlian
Primary : Vungngaihkim & Rose
Beginner : Chingkhanlun & Nuam

Teacher

**TOUPA NI'
THILPIAK**

Date 9.4.2023 = 45,091/-

THOUGHT OF THE WEEK

Naupang ka na hita a, tuin tek ka hong hita a, himah leh midiktat limsaklauh a a omlam ka mu ngeikei hi, a suante anngolh leng ka mu ngei samkei hi (Sam 37:25)

THU TUAMTUAM**THU TUAMTUAM****BIAKNA HUNZEEK****TOUPA' NI**

DATE 16.04.2023

Hun-uk thumna : Thangzalam
Lapi : Tawnsianpau
Thilpiak : Mungsuan
Theihgigena : Siamkhanmuan
Thugen : Jamson
Thumna : Thangbiaklun

MIDWEEK ONLINE BIBLE CLASS

DATE 19.4.2023

Thumna : Pausuanlian
Sinsaktu : Chuck Horner
Thumna : Thangzalam

KIGINNI

DATE 22.04.2023

Hun-uk thumna : Lang James
Lapi : Jamson
Thugen : Thangdouliau
Thumna : Tawnsianpau

TOUPA' NI

DATE 23.04.2023

Hun-uk thumna : Lang James
Lapi : Jamson
Thilpiak : Pauminlun
Theihgigena : Nekkhothang
Thugen : Thongginlian
Thumna : Thangzalam

MANPHATAK A ZOH IN OM

✦ Gelkholisa bangbang in kal paita sintawpni in Family fellowshp-I manphatak a zatzoh in omta hi. Hiai hun a thutak kisinsakna leh thutak kikap-khawmna nei in om. Hun masa ah unaua Jamson in **Toupa Saptuam a Upa hi diing a Kisakkholhna** chih thupi zang in dakkal khat vel thugenna hun zang hi. Hun nihna ah Papi teng group li a kikhen in group chih in amau a diing a thupia piak a omsa minute 20 chiat genkhiakna nei in hun manphatak zat ahi. Hiai program in gah ahon suang ngei i lamenu uhi.

DAMDAMI INN APAN PAWTTA

✦ Kal paita a innsung a kipuk ziak a akhel tahkhakna operation ana bawl unaua Thonggin damdawi inn apan in damna hoihzaw toh ana pawtkhe theita hi. Kipahhuai isa petmah uhi. Ahong hoihtouzel i deihsak uhi.

MI'N PHUKHA UH

✦ Kal paita ningani in unaunu Khamthaniang gari neu a atapa Kamthiansang school kai diing kha dia tailai mi'n a nunglam apan in phukha uhi. Unaunu kipuk in a khuk leh a khut liamzek in aphukhate'n damdawi inn a tonpih ua, aliamna a thupi luat louh ziak in dressing zoh in inn ah paisaknawn uhi.

SUUNNA

✦ Kal paita sintawpni nitaklam dak 3 diing vel in Seitol a om unaua Thongkholun b/o unaua Janglet in a tangtawn mun diing honna zotsanta hi. Kal nihvel paita apan Lamka district hospital ah etkol in ana om himahleh damkhe zoulou hi. Unaua i suun ua huan unau lusun innkuante Toupa khamuanna i ngetpih uhi.

SEITOL LAM AH

✦ Zan kiginni in unaua Janglet in a sanggampa unaua Thongkholun in ahon paisan ziak in a luang delh in Seitol lam ana zuan hi. Sihna toh kisai a sep-le-bawl diing khempeuh thovengtak a ava zoh theih i deihsak uhi.

SEPNA TOH KISAI IN ANA ZINKHIA

✦ Unaua Kamkhenthang in sepna toh kisai a poimohna ziak in kal paita sintawpni in honna ziankhiak san hi. Damleh tukal sung in hongtung kikhawn diing hi tuak.

SEPNA MUN KISUAN DIING

✦ Muanhuaitak apan thu kiza dan in unaua Tawnsianpau in May kha bul in Guwahati lam ah hon kisan san diing hi. Damleh May kha chang in a innkuan un Delhi nuseta diing uhi.

AHUN NGEINA HINAWNTA

✦ Nipi kal nih biakna ahun ngeina bang a i neih theihlauh nung un zan kiginni apan in angeina bang a zat hinawnta. Tua toh kitan in Toupa ni skulte leng ngeina bang in om nawn-ta diing hi. Chiamteh chiat ni.

DELHI HONG PHAZUAL

✦ New Lamka a om unaua Gouminlal in sepna toh kisai in ninga ni in Delhi hong phazual a zan kiginni in ana kikhawn hi.

CHURCH OF CHRIST, DELHI**Financial Report**

March, 2023

Opening Bal.	10,84,592.26
Total Recd.	1,79710.00
Grand Total	12,64,302.91
Total Expnd.	1,80,164.65
Closing Bal.	10,84,138.26